

REPUBLIKA E SHQIPËRISË

**DREJTORIA E PËRGJITHSHME
E PRONËSISË INDUSTRIALE**

BASHKIA PËRMET

(DPPI)

Nr. Prot. 4032, datë 16.10.2024

Nr. Prot. 2693, datë 15.10.2024

MARRËVESHJE BASHKËPUNIMI

NDËRMJET

DREJTORISË SË PËRGJITHSHME TË PRONËSISË INDUSTRIALE

DHE


BASHKISË PËRMET

Lidhet kjo Marrëveshje bashkëpunimi ndërmjet palëve të mëposhtme:

- 1. Drejtorisë së Përgjithshme të Pronësisë Industriale**, me adresë: Bulevardi “Zhan D’Ark”, Prona nr. 33, ish Shtëpia e Ushtarakëve, Tiranë, përfaqësuar nga Drejtori i Përgjithshëm i Komanduar, Znj. Maria Solis.

dhe

- 2. Bashkisë Përmet** me adresë: Shëtitorja “Abdyl Frashëri”, Përmet, Gjirokastrë, përfaqësuar nga Kryetari i Bashkisë, Znj. Alma Hoxha.



(veçmas do të quhen si “Pala” dhe bashkarisht si “Palët”)

MEQENËSE:

Drejtoria e Përgjithshme e Pronësisë Industriale është një agjenci autonome që siguron dhënien dhe mbrojtjen e objekteve të Pronësisë Industriale, në fushat e shpikjeve dhe modeleve të përdorimit, markave tregtare dhe të shërbimit, disenjove industriale, treguesëve gjeografikë, topografive dhe qarqeve të integruara.

Drejtoria Përgjithshme e Pronësisë Industriale, është një agjenci autonome nën mbikëqyrjen e ministrit përgjegjës për ekonominë. Veprimtaria e saj përcaktohet dhe rregullohet me Ligjin nr. 9947 dt. 07/07/2008, "Për Pronësinë Industriale", i ndryshuar dhe ligjin 8488 datë 13.05.1999 “Për Mbrojtjen e Topografive të qarqeve të integruara.

DPPI ka mision nxitjen e zhvillimit të Pronësisë Industriale duke përkrahur inovacionin, sipërmarrjen dhe duke nxitur promovimin e partneriteteve profesionale.

Gjithashtu, DPPI shërben si katalizator për zhvillimin e industrisë nëpërmjet mbrojtjes së pronësisë industriale.

DHE

Bashkia Përmet

Misioni i Bashkisë është që të sigurojë qeverisjen e efektshme, efikase në një nivel sa më afër qytetarëve.

Organizimi administrativo-territorial i Bashkisë Përmet bazohet në ligjin nr.115/2014 “Për ndarjen administrative-territorial të njësisive të qeverisjes vendore në Republikën e Shqipërisë”. Bashkia Përmet përfshin një territor me një sipërfaqe prej 601.95 km², dhe një popullsi prej rreth 19 269 banorë të regjistruar. Bashkia e Përmetit ka në përbërjen e saj 4 njësi administrative dhe 49 fshatra.

Territori Bashkisë ka burime të shumta natyrore, të cilat përbëjnë bazën e kontekstit ekonomik të bashkisë. Ndër to, përmendim burimet e shumta ujore. Burimet termale të Bënjës, ujrat e së cilës kanë veti kurative për një sërë sëmundjesh, përbëjnë një nga pasuritë më të njohura të burimeve nëntokësore të zonës. Territori i bashkisë është vendi ku shtrihet edhe masivi pyjor Parku kombëtar «Bredhi i Hotovës». Biodiversiteti i këtij parku është i lartë. Vlerat natyrore, peizazhit dhe ato historike e kulturore ofrojnë potenciale të mëdha për zhvillimin e ekoturizmit. Zhvillimi ekonomik, nëpërmjet ekoturizmit dhe formave të tjera si sportet ujore etj., lidhen ngushtësisht me menaxhimin e qëndrueshëm të burimeve natyrore.

Marrë në konsideratë sa më lartë, palët bien dakord për kushtet dhe afatet si më poshtë:

Neni 1 Objekti

Objekti i kësaj marrëveshjeje është bashkëpunimi mes palëve për:

- a) Rritjen e ndërgjegjësimit të biznesit për të drejtat që ata gëzojnë në lidhje me markën tregtare dhe të shërbimit, disenjot industriale apo treguesin gjeografik të regjistruar.
- b) Përgatitjen e materialeve promovuese, fletë-palosjeve, broshurave, të cilat do të vendosen në mjediset e Bashkisë Përmet.

Neni 2 Qëllimi


Me qëllim realizimin e objektit të kësaj marrëveshjeje, palët angazhohen në realizimin e aktiviteteve të mëposhtme:

- a) Përgatitjen e materialeve informuese dhe promovuese;
- b) Zhvillimin e aktiviteteve të përbashkëta si panairë, takime me sektorin vendas, trajnime të ndryshme që kanë për qëllim ndërgjegjësimin e biznesit për rëndësinë e Pronësisë Industriale;
- c) Vendosjen e materialeve promovuese në mjediset e Bashkisë Përmet në lidhje me informimin e bizneseve me anë të fletë-palosjeve për Pronësinë Industriale;
- d) Tryeza të përbashkëta midis aktorëve kryesorë të tregut që operojnë në fushat e PI-së;
- e) Çështje të tjera me interes të përbashkët;

Neni 3 Detyrimet e Palëve

Në realizimin e aktiviteteve të parashikuara në këtë marrëveshjeje:

- a) DPPI merr përsipër të vërë në dispozicion të Bashkisë Përmet: materialet informuese, specialistët dhe ekspertët që do të ofojnë seminare apo trajnime për biznesin apo prodhuesit e zonës në fushën e Pronësisë Industriale;
- b) DPPI merr përsipër të bëjë trajnime për personelin e Bashkisë Përmet në fushën e Pronësisë Industriale;
- c) Bashkia Përmet merr përsipër të organizojë, të koordinojë, takimet me biznesin lokal prodhuesit e zonës, të informojë në lidhje me identifikimin dhe mbrojtjen e këtyre produkteve;
- d) Bashkia Përmet merr përsipër të ofrojë mjedisin për takimet që do të zhvillohen, standat për panairë dhe materialet promovuese;



Neni 4
Afati i Marrëveshjes

1. Kjo marrëveshje nënshkruhet për një afat të pacaktuar.
2. Përmbajtja e saj mund të ndryshohet nëpërmjet komunikimeve me shkrim mes palëve.
3. Në rast shfuqizimi të kësaj marrëveshjeje, palët duhet të njoftojnë njëra tjetrën paraprakisht me shkrim të paktën **60** ditë përpara zgjidhjes së saj, mundësisht duke parashtruar dhe arsyet përkatëse.

Neni 5
Monitorimi i zbatimit

Me qëllim në përmbushjen e objektit dhe qëllimit të kësaj marrëveshje DPPI merr përsipër të përgatisë një raport vlerësues çdo 6 muaj nga data e hyrjes në fuqi të marrëveshjes. Raporti vlerësues do t'i paraqitet për miratim palës tjetër pasi ky raport të jetë diskutuar më parë në takimin e përbashkët mes përfaqësuesve të të dyja palëve që mbledhet me këtë qëllim.

Neni 6
Dispozita finale

Marrëveshja hartohet dhe pranohet nga palët, duke nënkuptuar se asnjë pjesë e tij nuk është në tejkalim ose kundërshtim të dispozitav përkatëse ligjore mbi të cilat palët mbështesin ushtrimin në funksioneve dhe kompetencave të tyre.

Palët zotohen të zbatojnë vullnetarisht dhe në kushte mirëbesimi këtë marrëveshje. Çdo mosmarrëveshje do të zgjidhet me mirëkuptim.

Kjo Marrëveshje Bashkëpunimi nënshkruhet sot më datë 15/10/2024, në 2 (dy) kopje origjinale me vlerë të njëjtë, një për secilën palë dhe hyn në fuqi në momentin e nënshkrimit nga të dyja palët.

PALËT

**DREJTORIA E PËRGJITHSHME
E PRONËSISË INDUSTRIALE
(DPPI)**

Përfaqësuar nga:

Znj. MARIA SOLIS

DREJTORI PËRGJITHSHËM I KOMANDUAR



BASHKIA PËRMET

Përfaqësuar nga:

Znj. ALMA HOXHA

KRYETAR

